

U G O V O R
O N A B A V C I M A T E R I J A L A I R E Z E R V N I H D I J E L O V A Z A
O D R Ź A V A N J E C E N T R A L N E S T E R I L I Z A C I J E

zaključen dana _____ 2020. godine u Sarajevu između ugovornih strana:

1. Stomatološki fakultet sa klinikama Sarajevo, Bolnička br. 4a, kojeg zastupa dekan prof. dr. sc. Muhamed Ajanović (u daljem tekstu: Kupac)

Identifikacioni broj:	4200542470007
Poreski broj:	01073987
Transakcijski rn:	1411965320008475
Budžetska organizacija:	2104024

2. Sanitaria dental d.o.o. iz Mostara, Ulica Blajburških žrtava br. 23 koju zastupa Ivan Galić (u daljem tekstu Prodavac)

Identifikacioni broj:	4200899030005
Poreski broj:	200899030005
Transakcijski rn:	3386902212050389

PREDMET UGOVORA

Član 1.

Predmet ovog Ugovora je nabavka materijala i rezervnih dijelova za održavanje centralne sterilizacije na Stomatološkom fakultetu sa klinikama, koje će Prodavac isporučiti u skladu sa odredbama ovog Ugovora i tenderskom dokumentacijom Kupca broj: 02-2-1-48-44-10/20 od 05.10.2020. i Ponudom Prodavca broj: 02-2-1-48-44-12/20 od 30.10.2020. dostavljenom po otvorenom postupku za nabavka materijala i rezervnih dijelova za održavanje centralne sterilizacije na Stomatološkom fakultetu sa klinikama Univerziteta u Sarajevu.

Prodavac se obavezuje da predmetnu robu isporuči u skladu sa Tenderskom dokumentacijom Kupca i ponudom Prodavca držeći se tehničkih propisa, pravila i standarda i pozitivnih propisa koji uređuju predmetnu oblast.

Ponuda Prodavca je u prilogu i čini sastavni dio Ugovora sa specifikacijom roba.

CIJENA

Član 2.

Kupac će na ime ugovorenih roba iz člana 1. ovog ugovora Prodavcu isplatiti

Cijena bez PDV-a: 34.440,00 KM;
Porez na dodanu vrijednost (PDV 17%) = 5.854,80 KM;
Popust: 00,00 KM
UKUPNA VRIJEDNOST/CIJENA sa PDV-om = 40.294,80 KM;
(slovima: četrdesethiljadadvijestodinedevedesetčetiri i 80/100 KM).

Član 3.

Cijena iz prethodnog člana utvrđena je na osnovu vrsta, količina i jediničnih cijena iz Ponude Prodavca/Specifikacija roba.

Ugovorene jedinične cijene su fiksne i ne mogu se mijenjati ni pod kojim uslovima.

NAČIN I ROK ISPORUKE

Član 4.

Prodavac se obavezuje da će materijal i rezervne dijelove za održavanje centralne sterilizacije isporučiti po dostavljenom zahtjevu / narudžbenici Kupca u kojoj će biti naznačene vrste roba najkasnije u roku od 30 (trideset) kalendarskih dana od momenta dostavljanja narudžbenice od strane Kupca.

NAČIN PLAĆANJA

Član 5.

Kupac će izvršiti plaćanje samo nespornih roba isporučenih po ovom Ugovoru i zaprimljenih od strane odgovornog lica Prodavca.

Plaćanje će se vršiti nakon izvršene primopredaje ugovorenih roba bez primjedbe, a u roku 30 (trideset) dana od dana dostavljanja fakture.

Plaćanje će se vršiti na transakcijski račun Prodavca br. 3386902212050389 otvoren kod UniCredit banke.

OBAVEZE KUPCA

Član 6.

Kupac se obavezuje da:

1. Obezbijedi Prodavcu nesmetan pristup prostorijama Fakulteta za potrebe isporuke materijala i rezervnih dijelova za održavanje centralne sterilizacije;

2. Organizovati primopredaju materijala i rezervnih dijelova za održavanje centralne sterilizacije, u roku od 7 dana od dana prijema obavijesti od Prodavca.
3. Izvrši plaćanje isporučenih roba na način i u rokovima utvrđenim ovim Ugovorom.

OBAVEZE PRODAVCA

Član 7.

Prodavac se obavezuje, naročito:

1. Isporučiti robu na način, u rokovima i po cijeni određenoj Ugovorom i tehničkom specifikacijom;
2. Otkloni sve nedostatke prilikom primopredaje roba u roku koji odredi odgovorna osoba Kupca

UGOVORNA KAZNA

Član 8.

U slučaju prekoračenja roka za isporuku roba iz ovog Ugovora, Prodavac se obavezuje platiti Kupcu ugovornu kaznu u visini 1% od ukupne vrijednosti ugovorenih roba za svaki kalendarski dan prekoračenja roka iz člana 4. ovog Ugovora. Ukupna ugovorna kazna ne smije prelaziti 10% ukupne vrijednosti ovog Ugovora.

Plaćanje ugovorne kazne ne oslobađa Prodavca obaveze da u cijelosti isporuči robu Kupcu.

Ako Kupcu nastane šteta zbog prekoračenja ugovorenog roka isporuke roba u iznosu većem od Ugovorne kazne Prodavac roba je dužan da plati Kupcu pored ugovorne kazne i iznos naknade štete koji prelazi visinu Ugovorne kazne.

BANKOVNE GARANCIJE ZA OSIGURANJE IZVRŠENJA UGOVORENIH OBAVEZA

Član 9.

Prodavac je, u smislu osiguranja izvršenja obaveza po ovom Ugovoru, obavezan Kupcu, dostaviti sljedeću безусловnu originalnu bankarsku garanciju (prema formi / obrazcu utvrđenom od strane Kupca):

- garanciju za uredno izvršenje ugovora / dobro izvršenje posla u iznosu 10 % ukupne vrijednosti Ugovora, sa rokom važnosti garancije: najmanje 30 dana nakon isteka Ugovora.

Prodavac će garanciju iz prethodnog stava dostaviti u roku od 7 (sedam) dana od dana zaključivanja ovog Ugovora / obostranog potpisivanja ovog Ugovora.

Garancija za uredno izvršenje Ugovora dostavlja se u originalu. Garancija ne smije biti ni na koji način oštećena (bušenjem i sl.) jer probušena ili oštećena garancija se ne može naplatiti. Ukoliko garancija za uredno izvršenje Ugovora nije dostavljena na propisan način, shodno uslovima iz

tenderske dokumentacije i u roku iz prethodnog stava, zaključeni ugovor će se smatrati apsolutno ništavim.

RASKID UGOVORA

Član 10.

Kupac može raskinuti Ugovor jednostrano u slijedećim slučajevima:

1. ako se Prodavac roba ne pridržava ugovorenih obaveza, odnosno ukoliko grubo krši odredbe Ugovora;
2. ako Prodavac roba ne isporuči robu u ugovorenom roku, izuzev ako je za odstupanje data pismena saglasnost odgovorne osobe Kupca;
3. ako Prodavac ne isporuči robu u skladu sa potpisanim ugovorom i dostavljenom ponudom;
4. ako Prodavac dođe u situaciju da ne može izvršiti svoje obaveze iz Ugovora;
5. ako je neopravdano zaostajanje u isporuci roba;
6. ako Prodavac roba ne otkloni nedostatke po primjedbi odgovorne osobe Kupca.

Ako Kupac raskida Ugovor zbog neisporuke ugovornih roba od strane Prodavaca, Kupac može raskinuti Ugovor, nakon što Prodavacu da primjereni naknadni rok za izvršenje ugovorenih obaveza, a Prodavac ni u naknadnom roku ne izvrši svoje obaveze.

Član 11.

Ugovor se raskida izjavom u pisanom obliku koja se dostavlja drugoj ugovornoj strani.

U izjavi mora biti naveden razlog zbog kojeg se Ugovor raskida.

Član 12.

Ako ugovorne strane sporazumno raskinu ugovor tim sporazumom regulirat će sva pitanja nastala povodom raskida ugovora.

XII OSTALE ODREDBE

Član 13.

Sve izmjene i dopune ovog Ugovora mogu se vršiti samo uz postignutu saglasnost ugovornih strana i zaključenje pismenog aneksa ugovora.

Član 14.

Prodavac nema pravo zapošljavati, u svrhu izvršenja ugovora o javnoj nabavci fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala komisija za nabavke, najmanje 6 mjeseci po zaključenju Ugovora, odnosno od početka realizacije ugovora, a u skladu sa Zakonom o javnim nabavkama Bosne i Hercegovine ("Sl. glasnik BiH", broj 39/14), član 72. Stav 6).

Član 15.

Ovaj Ugovor stupa na snagu danom potpisivanja od strane ovlaštenih lica ugovornih strana. Svi tokovi u vezi sa ovim Ugovorom računaju se od dana stupanja ugovora na snagu.

Član 16.

Ugovorne strane su saglasne da će, u slučaju, da pojedina pitanja, vezana za izvršenje obaveza i ostvarivanje prava po ovom ugovoru, istim nisu regulisana, primjenjivati odgovarajuće odredbe Zakona važećih za predmetne nabavke i Zakona o obligacionim odnosima.

Član 17.

Ugovorne strane su saglasne da sve eventualne sporove koji nastanu iz odnosa zasnovanih ovim Ugovorom prvenstveno rješavaju sporazumno.



Ukoliko se nastali spor ne može riješiti sporazumom, za rješavanje spora određuje se nadležni sud u Sarajevu.

Član 18.

Ugovorne strane su saglasne da sastavni dio Ugovora čine: Tenderska dokumentacija Kupca i Ponuda Prodavaca.

Član 19.

Ovaj Ugovor je sačinjen u 4 (četiri) istovjetna primjerka od kojih svaka od ugovornih strana zadržava po 2 (dva) primjerka. Svi primjerci važe kao original i imaju jednako pravno djelovanje.

PRODAVAC
Sanitaria dental d.o.o. Mostar

Ivan Galic, direktor


M.P.

Broj: 307/2020-1
Datum: 03.12.2020.

KUPAC
STOMATOLOŠKI FAKULTET SA
KLINIKAMA

Prof. dr. sc. Muhamed Ajanović, dekan


M.P.


Broj: 02-21-48-44-18/20
Datum: 30.11.2020.